



Na osnovu Zaključka o davanju saglasnosti na Program utroška sredstava na poziciji „Tekući transferi pojedincima-Tekući transfer za naučnoistraživačku djelatnost“ Budžeta Zeničko-dobojskog kantona za 2023. godinu, broj: 02-11-5919/23 od 11.04.2023. godine, Ministarstvo za obrazovanje, nauku, kulturu i sport Zeničko-dobojskog kantona r a s p i s u j e

JAVNI KONKURS za dodjelu sredstava za sufinansiranje naučnoistraživačke djelatnosti

Javni konkurs se raspisuje za dodjelu jednokratne novčane pomoći za:

1. organizovanje naučnih skupova na području Zeničko-dobojskog kantona,
2. učešće naučnih radnika i studenata na naučnim skupovima u zemlji i inostranstvu,
3. izdavanje univerzitetskih udžbenika na visokoškolskim ustanovama na području Zeničko-dobojskog kantona.

1. Organizovanje naučnih skupova na području Zeničko-dobojskog kantona

Pravo učešća na javnom konkursu imaju pravna lica koja ispunjavaju sljedeće uslove:

- da je registrirano za obavljanje naučnoistraživačke djelatnosti na području Zeničko-dobojskog kantona,
- da ima sjedište na području Zeničko-dobojskog kantona,
- da je naučni skup organiziovan ili će biti organiziovan u tekućoj godini.

Uz prijavu je potrebno priložiti:

- adresu (naziv pravnog lica), kontakt telefon,
- dokaz o registraciji pravnog lica – organizatora,
- podatke o naučnom skupu: naziv, mjesto i termin održavanja, broj učesnika, kao i obrazloženje,
- iznos sredstava planiranih za organizaciju naučnog skupa,
- ID broj-uvjerenje o poreznoj registraciji,
- potvrda banke o otvorenom računu (broj bankovnog računa pravnog lica) i solventnosti računa na koji se mogu uplatiti sredstava.

Budžetski korisnici koji se djelimično ili u cjelosti finansiraju iz Budžeta Zeničko-dobojskog kantona nemaju pravo na dodjelu jednokratne novčane pomoći za organizovanje naučnih skupova na području Zeničko-dobojskog kantona.

2. Učešće naučnih radnika i studenata na naučnim skupovima u zemlji i inostranstvu

Pravo učešća na javnom konkursu imaju kandidati koji ispunjavaju sljedeće uslove:

- da su državljani Bosne i Hercegovine,
- da imaju prebivalište na području Zeničko-dobojskog kantona,
- da im je rad prihvaćen od strane organizatora naučnog skupa koji je održan ili će se održati u tekućoj godini,

- da iz vlastitih sredstava uplaćuju troškove kotizacije.

Uz prijavu je potrebno priložiti:

- adresu (ime i prezime), kontakt telefon,
- uvjerenje o državljanstvu,
- prijavu prebivališta (CIPS),
- podatke o naučnom skupu koji je održan ili će se održati u tekućoj godini (naziv, mjesto i datum održavanja, web site naučnog skupa, podatak o visini kotizacije),
- dokaz o iznosu kotizacije,
- dokaz da je rad prihvaćen od strane organizatora naučnog skupa,
- potvrda banke koja sadrži podatke o broju bankovne kartice i broju tekućeg računa na koji se mogu uplatiti sredstava,
- ovjerena izjava aplikanta na konkursu o pristanku korištenja ličnih podataka u svrhu konkursa.

3. Izdavanje univerzitetskih udžbenika na visokoškolskim ustanovama na području Zeničko-dobojskog kantona

Pravo učešća na javnom konkursu imaju autori koji ispunjavaju sljedeće uslove:

- da su državljani Bosne i Hercegovine,
- da imaju prebivalište na području Zeničko-dobojskog kantona,
- da univerzitetski udžbenik izdaje visokoškolska ustanova na području Zeničko-dobojskog kantona,
- da imaju odluku senata visokoškolske ustanove (u tekućoj godini) o davanju saglasnosti za objavljivanje univerzitetskog udžbenika.

Uz prijavu je potrebno priložiti:

- adresu (ime i prezime), kontakt telefon,
- uvjerenje o državljanstvu,
- prijavu prebivališta (CIPS),
- odluku senata visokoškolske ustanove (u tekućoj godini) o davanju saglasnosti za objavljivanje univerzitetskog udžbenika,
- predračun ili račun o troškovima štampanja udžbenika,
- potvrda banke koja sadrži podatke o broju bankovne kartice i broju tekućeg računa na koji se mogu uplatiti sredstava,
- ovjerena izjava aplikanta na konkursu o pristanku korištenja ličnih podataka u svrhu konkursa.

Tražena dokumentacija se dostavlja u originalu ili ovjerenim kopijama i ne vraća se.

Nepotpune i neblagovremene prijave neće biti razmatrane.

Prijavom na konkurs aplikanti-kandidati se slažu da se njihovi lični podaci mogu koristiti isključivo za potrebe javnog konkursa.

Javni konkurs je otvoren 15 dana od dana objavljivanja.

Napomena: Aplikanti-kandidati kojima budu odobrena sredstva, obavezni su dostaviti izvještaj o namjenskom utrošku sredstava u roku određenom aktom Vlade o odobravanju sredstava, sa time da kandidati kojima budu odobrena sredstva za troškove kotizacije za učešće na naučnim skupovima u zemlji i inostranstvu, uz

izvještaj obavezno prilažu dokaz da su troškove kotizacije uplatili iz vlastitih sredstava (uplatnicu gdje je kao uplatilac sredstava naveden kandidat kome su odobrena sredstva).

Prijave sa traženom dokumentacijom dostaviti (sa napomenom za Javni konkurs za dodjelu sredstava za sufinansiranje naučnoistraživačke djelatnosti) na Pisarnicu Zeničko-dobojskog kantona ili putem pošte preporučeno na adresu:

**Ministarstvo za obrazovanje, nauku, kulturu i sport Zeničko-dobojskog kantona
Kučukovići 2, 72 000 Zenica**